

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog konkurentskog zahtjeva za dostavu ponuda za javnu nabavku štamparskih usluga LOT 1 – Knjige u tvrdom uvezu (printanje i uvezivanje), objavljenog na web portalu Agencije za javne nabavke dana 29.01.2019. godine i u „Službenom glasniku BiH“ broj 7/19 dana 01.02.2019. godine, zaključen je

## OKVIRNI SPORAZUM

Između:

**Javna ustanova Opća bolnica „Prim. dr. Abdulah Nakaš“**,  
Ul. Kranjčevićeva broj 12, 71000 Sarajevo,  
koju zastupa direktor Prim. dr. Zlatko Kravić,  
Identifikacijski broj: 4200288400001,  
(u daljem tekstu: **Naručilac**)

i

**„PLAN PLUS“ d.o.o. Zenica**,  
Sjedište: Dr. Hasana Muminagića broj 2A, 72000 Zenica  
koga zastupa direktor Beris Čančar, dipl.ecc.,  
Identifikacioni broj dobavljača: 4227372790007  
Transakcijski račun dobavljača: 3385802219515079  
Naziv banke dobavljača: UniCredit bank d.d.  
(u daljem tekstu: **Dobavljač**),

### Član I.

Predmet Okvirnog sporazuma je nabavka štamparskih usluga i to:  
LOT 1 – Knjige u tvrdom uvezu (printanje i uvezivanje)  
prema ponudi broj: 039/19 od 08.02.2019. godine, a na osnovu Odluke o izboru najpovoljnijeg  
ponudača broj 2791-7/19 od 17.04.2019. godine.

Ponuda sa specifikacijom usluga broj: 039/19 od 08.02.2019. godine i dokumentacija  
dostavljena po predmetnoj nabavi sastavni su dio ovog sporazuma,

i to:

- Ponudom / specifikacijom Dobavljača br. 039/19 od 08.02.2019. godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavi sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na

osnovne komercijalne i tehničke elemente ugovora / nabavke), dostavljenom po konkurentskom zahtjevu za dostavu ponuda broj JN-8/19.

#### **Član 2.**

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do utrošene maksimalne finansijske vrijednosti po lotu kako slijedi:

1. LOT 1 – do 4.168,00 KM bez uračunatog PDV-a, odnosno 4.876,56 KM sa uračunatim PDV-om na dvogodišnjem nivou.

Za vrijeme trajanja sporazuma predviđa se sklapanje dva jednogodišnja ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih usluga.

#### **Član 3.**

Strane u sporazumu zaključit će dva pojedinačna ugovora. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez provođenja javne nabavke nakon isteka roka važnosti ugovora.

Količine iz Obrasca za cijenu ponude nisu obavezujuće za ugovorni organ.

Cijene iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci usluga i ponudi Dobavljača.

#### **Član 4.**

Ukoliko se jedna od ugovornih strana ne pridržava odredbi ovog sporazuma, druga ugovorna strana ima pravo na jednostrani raskid sporazuma u roku od 30 (trideset) dana od dana prijema pismene obavijesti.

Raskid sporazuma se vrši u pismenoj formi.

#### **Član 5.**

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

A7

**Član 6.**

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.  
Ukoliko se sporazumno rješenje ne postigne, nadležan je Sud u Sarajevu.

**Član 7.**

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

**Član 8.**

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

**Dobavljač**  
**Plan Plus d.o.o. Zenica**



**DIREKTOR**  
*[Signature]*  
**Beris Čančar, dipl.ecc.**

Broj: 212/19  
Zenica, 08.05.2019.



**Naručilac**  
**JU Opća bolnica**  
**Prim. dr. Abdulah Nakaš**  
**DIREKTOR**  
*[Signature]*  
**Prim. dr. Zlatko Kravić**

Broj: 2791-12/19  
Sarajevo, 03.05.2019. godine

AP